



Broj poziva: JP-1/25

Datum: 13. mart 2025.godine

Vijeće mladih Federacije Bosne i Hercegovine u skladu sa Statutom i propisanim internim pravilima i procedurama organizacije, raspisuje

Javni poziv za prijavu u bazu trenera i mentora Vijeća mladih Federacije BiH

Vijeće mladih Federacije BiH je krovna organizacija za mlade, prepoznata i kreirana u skladu sa Zakonom o mladima u ovom entitetu. U decembru 2015. godine održana je osnivačka Skupština na kojoj su predstavnici šest kantonalnih vijeća mladih formirali ovo udruženje, a koje od tada aktivno radi na poljima rada sa mladima, javnog zagovaranja, politika prema mladima, te unapređenju omladinskog organizovanja u Federaciji BiH.

Pozadina poziva

Vijeće mladih Federacije BiH organizuje aktivnosti s ciljem jačanja kapaciteta mladih u Federaciji BiH, njihovog osnaživanja u procesima zagovaranja, donošenja odluka i aktivnog učešća u društvu. Kroz različite programe, edukacije i treninge trudimo se doprinosti poboljšanju položaja mladih, razvoju njihovih kompetencija, unapređenju vještina i sticanju znanja potrebnih za aktivno i konstruktivno učešće u društvu.

Naši programi neformalnog obrazovanja fokusiraju se na edukaciju mladih kroz trenerski rad, ali i na dugoročnu podršku putem mentorstva. Prepoznavši važnost osiguranja kontinuirane podrške kvalifikovanih stručnjaka za edukaciju i osnaživanje mladih u Federaciji BiH, odlučili smo kreirati Bazu trenera i Bazu mentora. Na ovaj način gradimo održiv sistem podrške koji doprinosi razvoju omladinskog sektora i jačanju uloge mladih u procesima donošenja odluka.

Uloga trenera i mentora

Treneri: Pozivamo sve pojedince s relevantnim iskustvom, obrazovanjem ili ekspertizom da se prijave za uvrštavanje u bazu trenera Vijeća mladih Federacije BiH. Tražimo trenere koji su spremni dijeliti svoje znanje i raditi s mladima na sljedećim i srodnim **temama**:

- Lokalni i omladinski aktivizam;
- Politički sistem Bosne i Hercegovine;
- Politički sistem Evropske unije;
- Omladinske politike u Bosni i Hercegovini;
- Omladinske politike u praksi Evropske Unije, Ujedinjenih Nacija i Vijeća Evrope;
- Mediji i komunikacijske vještine;
- Rad s mladima;
- Zagovaranje;



- Participacija i uključivanje mladih;
- Inovacije i kreativno djelovanje;
- Zapošljavanje mladih.

Mentori: Mentori u okviru baze mentora Vijeća mladih Federacije BiH pružat će kontinuiranu podršku mladima u kreiranju i implementaciji njihovih inicijativa, zagovaranju i aktivnom društvenom angažmanu. Njihova **uloga** će biti:

- Individualno ili grupno mentorstvo mladima u razvoju projekata i inicijativa;
- Pomoć u zagovaračkim procesima;
- Podrška u profesionalnom i ličnom razvoju mladih;
- Savjetodavni rad s mladima u procesima donošenja odluka;
- Osnaživanje mladih za aktivno učešće u društvenim i političkim procesima.

Angažman trenera i mentora

- **Angažman kroz edukativne programe Vijeća** – Članovi baze imaju direktnu priliku za vođenjem treninga, edukacija i mentorstva u okviru programa i projekata koje realizuje Vijeće mladih FBiH. Za svaki angažman ostvaruju adekvatnu novčanu naknadu.
- **Umrežavanje i saradnja** – Pridruživanjem bazi, treneri i mentori postaju dio mreže iskusnih stručnjaka i omladinskih radnika, što im omogućava razmjenu znanja, iskustava i potencijalnu saradnju na budućim projektima i inicijativama.
- **Unapređenje profesionalnih kompetencija** – Angažmani kroz bazu omogućavaju sticanje dodatnog iskustva u radu s mladima, zagovaranju, razvoju omladinskih politika i izgradnji kapaciteta omladinskih organizacija.
- **Doprinos društvu** – Kroz rad s mladima, članovi baze aktivno učestvuju u osnaživanju nove generacije lidera, podržavaju njihove inicijative i doprinose jačanju omladinskog sektora u BiH.

Za svaku aktivnost Vijeća mladih FBiH koja zahtijeva angažman trenera ili mentora, poziv će najprije biti upućen članovima baza. Time prijavljeni treneri/mentori, stiču prednost pri izboru za angažman u sklopu aktivnosti Vijeća mladih FBiH, a njihovo učešće zavisi od dostavljene ponude, te lične raspoloživosti i interesa, bez obaveze prihvatanja angažmana.

Kriteriji za prijavu

Uslovi za prijavu u bazu trenera:

- Iskustvo u održavanju treninga, radionica ili predavanja iz jedne ili više navedenih oblasti;
- Relevantno obrazovanje ili profesionalna ekspertiza iz povezanih područja;
- Spremnost za rad s mladima i doprinos njihovom osnaživanju.



Uslovi za prijavu u bazu mentora:

- Iskustvo u mentorstvu, radu s mladima ili vođenju omladinskih inicijativa;
- Poznavanje procesa zagovaranja, omladinskih politika i donošenja odluka;
- Sposobnost savjetodavnog rada i pružanja podrške mladima u njihovom aktivizmu i profesionalnom razvoju.

Dokumentacija

Prijava treba sadržavati:

- Kratku biografiju (CV);
- Dokaze o iskustvu (preporuke, certifikati ili drugi dokazi o prethodnom djelovanju u traženim oblastima).

Selekcijski proces

Svi zainteresovani kandidati svoje prijave sa odgovarajućom dokumentacijom mogu dostaviti popunjavanjem [ovog obrasca](#), a najkasnije do **2. aprila 2025. godine u 23:59h**. Nepotpune i nepravovremeno pristigle prijave neće biti uzete u razmatranje.

Nakon isteka roka za apliciranje zaprimit ćete informaciju o statusu Vašeg upisa u bazu trenera i/ili mentora.

Vijeće mladih Federacije BiH će odabrati najbolje podnosiocje prijave u skladu s navedenim kriterijima.

Vijeće mladih Federacije BiH zadržava pravo izbora kandidata za aktivnosti na osnovu potreba i specifičnosti programa koje implementira.

Eventualna pitanja mogu se postaviti putem e-maila na adresu: hana.kunic@vijecemladih.ba ili telefonom na broj: 033/204-104.

Sve informacije o Vijeću mladih Federacije BiH mogu se naći na www.vijecemladih.ba.

Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednako na osobe svih rodova.